



## **Universitätsbibliothek Paderborn**

**Occupatio animae Jesu Christo crvcifixo devotee.**

**Leroy, François**

**Pragae, 1666**

Caput XIV. Diem sextam cujusque hebdomadæ, uti Christi passioni dicatam, cultu proprio celebrare oportere.

[urn:nbn:de:hbz:466:1-47123](#)

*tua hodie in oculis meis: sic magnificetur anima mea (hoc est, magna & pretiosa habecatur) in oculis Domini, & liberet me de omni angustia: præsertim autem de angustia sempiterna,*

*De Reg.  
Lusit.*

Hoc denique loco commemorabile est Joannis II. Lusitanæ Regis exemplum: qui (ut testatur Vasconcellus noster) secreto se voto obstrinxerat; nihil se negaturum, unquam quod interpositis Christi vulneribus peteretur. Itaque tum in alios alias, eâ causâ beneficus extitit; tum mulieri, die Parasceves, marito capitîs damnato, per Christi mortem ac vulnera vitam oranti, veniam liberaliter indulxit.

## C A P U T X I V .

*Diem sextam cujusque hebdomadæ, uti Christi passioni dicatam, cultu proprio celebrari oportere.*

### §. I.

*Rationes seu artes nonnullæ, ad eam diem peculiariter celebrandam, accommodatae.*

**D**ies sexta cujusque hebdomadæ, tum ipsâ temporis ratione (quod eâ die Salvator noster crucem ac mortem nostrâ causâ subiit) tum vetustissimo Ecclesiæ instituto, & sive fidelium, commemorationi Dominicæ passionis specialiter consecrata, non est absque aliqua ejusdem passionis memoria, aut cultu proprio, transmittenda.

Eâ gratiâ potes in primis, eâ saltem die, matutinis horis piæ cruciatuum Salvatoris commentationi partem aliquam temporis tribuere, aut aliquid de ejus argumenti bello legere; quo patientis Christi recordationem in tressuscites, atque inde conceptum dolorem compunctionisq; sensum, in reliquum diem retineas.

Speci-

Speciatim autem in Missa Sacrificio (quod, si Sacerdos sis, & per leges Sacrorum liceat, de Cruce aut Passione Domini celebrare poteris) debes vivam tibi Dominicæ necis imaginem ob oculos ponere; eoque præsertim die statis illis divini funeris exequijs, cum magna animi attentione & pietatis significatione adesse.

Deinde ad eam Dominicæ mortis memoriā, seu expressius testandam, seu efficacius refinendam; peculiariter in temetipsum collectus, non modò consuetas culpas studiosius cavebis, verum etiam, quasi unum aliquem charorum amissum lugeres, vitabis argumenta latitiae, & non necessarias relaxationes animi; quoad tibi quidem per vitæ tuæ rationes licebit. Fugies igitur eâ die ludos, choreas, convivia; detrahes aliquid de cultu ornatique corporis; delicias etiam, licet innocentibus, abstinebis. Quo in gene-re präeuntem habes S. Francorum Regem Ludovicum, qui *Gaufr. in* sextis ferijs nolebat liberos suos, rosis aut omnino floribus *Vit. c. 13e* coronari; quod Caput nostrum eâ die spinis coronatum meminisset. Itemque sacrum Purpuratorum Patrum Collegium, qui suæ adversus Christum patientem religioni testificande, ijsdem ferijs non consuetâ veste pupureâ, sed violacea (quod eis luctus argumentum est) utuntur.

Neque hic omittendum præceptum illud, quod inter cetera Sveciæ Regi per S. Birgittam ex ore Christi traditum *l. 8. c. 2.* est; eadem feriâ stipem aliquam erogandam in pauperes. Hoc, opinor, respectu: quod cùm eâ die ipse Rex Regum Christus, sanguinem suum omnem pro redemptione nostra liberaliter effuderit; par sit, ut ipsius amore, cùmque imitandi studio, si non sanguinem fundimus, at nummos saltem pauculos in ipsius membra dividamus.

Postremò assūmes poenam aliquam afflictionētve corporis; quod & eam diem religiosius observes, & aliqua ex parte assimileris Christo patienti.

B b 2.

Chri-

Christiani olim, jam ab initio nascentis Ecclesia, sextam feriam legitimo jejunio celebrabant (ex quo hodie sola carnium abstinentia remanserit) ut constat ex Patribus antiquissimis, Ignatio, Tertulliano, Epiphonio, &c. Quem etiam jejunij ritum observant passim Ordines Religiosi; & nonnulli quidem, pane tantum & aquâ adhibitis: ut de suis monachis testatur S. Petrus Damiani; docens, eâ die, que (ut ipse ait) pendentis in cruce Domini gloriose sanguine puratur, ejusmodi pœnam convenienter assumi: quia (inquit) *in hoc cruci verè communicamus, in hoc procul dubio Christo commorimur, si hoc eodem die quo ipse passus est, etiam carnem nostram per in die cruciamenta mactemus.*

Quin & plures infantes constat, divino magisterio, vel semel tantum eâ die lac admisisse; ut de S. Nicolao notum est, cui Siennium quendam Episcopum adjunxit Drezelius noster; vel omnino alimento abstinuisse, ut de Stephano Dienisi Episcopo refert idem autor in tractatu quem Aloën inscripsit.

*Cui addere licet, recentius ævi nostri exemplum, sùprâ memoratam Pudentianam Zagnoniam; de qua preterea illud est propriè commemorabile: hanc scilicet infantem, omni sextâ feriâ, non tantum cibum omnem detrectasse, sed insuper totam eam diem, alimenti vice, perpetuo ploratu duxisse; cum dies reliquos esse soleret pacatissima.*

Quòd si eam diem jejunio colendi, tibi aut facultas deest aut animus; saltem re aliquâ, quamvis exigua, tibi subtractâ, patientis Christi memorem animum eo pacio testare.

### §. 2.

*Artes aliquæ rariores, eodem pertinentes.*

**A**ttamen omissis alijs, eâ die passim usitatis, sese affidant ad rationibus; alias quasdam referre juvat, quas excogita-

gitarit Sanctorum ardor, ac studium Christi cruciatus participandi.

Nam quidam, memores fellis & acetii, quod Christo in cruce sienti propinatum est, eâ die amarore aliquo gustum suum inficiebant & exercebant: veluti de S. Alberto Confessore ex Ordine Carmelitarum, accepimus; qui *Vit. c. 6.* ad panem, quo solo tunc vescebatur, condimenti loco absinthium adhibebat. Sanctam quoque Birgittam legimus, *Vit. c. 11.* eadem feriâ amarissimam herbam in ore tenere solitam: quod item poenâ genus consvérat de se sumere, si quando verbum aliquod minùs consideratè protulisset. At Simon Sacerdos Valentinus, ex eodem Christum imitandi desiderio, feriâ sextâ majoris hebdomadæ acetum felle mixtum exsorbebat.

Rursum eadem S. Birgitta, sextâ qualibet feriâ, ex ardentे cereo guttas ignitas in carnem suam eliquabat, sic, ut *Bull. ad. ann. 17 ad. ann. 24.* eute exustâ & pustulatâ, diu restarent vulnerum vestigia; nonix. quæ tanen si ante proximè recurrentem sextam feriam non nihil obduci viderentur, eadem, unguium impressione, ne persanarentur, exulcerabat. Sanctus autem Franciscus, cùm diebus alijs, dolori leniendo, carni suæ impressâ sacra *no 12 24.* vulnera fovere panniculis soleret, totam eam diem ab ipsa *n. 17.* vespера præcedente, abstinebat eo delinimento, ut hac ratione Christi crucifixi dolores magis experiretur.

At quid de his dicam, qui ex summo in Christum crucifixum amore, id multis precibus ab eo contenderint, impetrarintve, ut qualibet sextâ feriâ recurrente, partem aliquam eorum cruciatum, quos eâ die ipse sustinuisse, persentiscerent? uti de Philippa Geldra jam docuimus; quæ eâ feriâ prodigosos lateris experiebatur cruciatus. Similiterque è Societate nostra P. Bernardus Colnago, omni feriâ sextâ sentiebat itidem dolores lateris acerbissimos; itemque quoties de passione Domini concionaretur. Maria

ria Carafa P. N. Vincentij mater obtinuerat divinitus, ut eadem die acrem capitis dolorem persentisceret; perinde atque si spinarum aculeis compungeretur.

Quibusdam etiam pijs fæminis concessum scimus, ut ea die & per eas horas, quibus Christus in cruce suffixus jacuit, & ipsæ immota ac velut exanimis jacerent, non tantum internorum Christi dolorum participes, sed ipsa etiam externa specie Crucifixo conformes; brachijs nimirum rigidè in altum protensis, contractis manuum articulis, pedibus quasi ad confixionem dispositis, omni denique corpore, Crucifixi in morem, immobiliter extento & occulta vi obrigesciente.

Vit. c. 17.

Memorata Soror Pudentiana Zagnoni eam totam diem summis afflictabatur doloribus, & in quadam quasi suppliciorum torculari comprimebatur. Ei distendebantur membra omnia, velut in equuleo, torquebantur viscera, amarefiebat os, arescebat palatum; vix ut eo die cibum aliquem capere aut retinere posset.

Vit. c. 34.

B. Coleta eadem die, spatio horarum duodecim, comeditandæ passioni Christi tam efficaciter intendebat animum, ut sæpen numero præ doloris vehementia, in manibus, pedibus, ac latere, ipsa sibi revera clavis ac lancea confixa, videretur. Quotidie autem horâ meridianâ, quâ Christus pro nobis crucifixus est, angore cordis conflictabatur acerimo: solita proinde ad id temporis, abs hominum usu atque conspectu subducere se; quod dolores suos, vel secum ipsa secretius sufferret, vel cum Sponso suo liberius familiariisve conferret.

L. 2. c. 71

Neque omittendum quod de Catharina Riccia ex Ordine S. Dominici in ejus Vita testatur Seraphinus Razzius: eam ferijs sextis in mentis excessu & arcana passionum Christi contemplatione positam, singulos Sponsi sui crucianus, ijsdemque horis cum illo expertam esse; pœnarum etiam velli.

vestigijs quandoque in Virginis corpore evidenter restantibus. Ex quibus aliisque prodigijs facilis conjectura ducitur; specialem illam & efficacem passionis Christi feriâ sextâ memoriam, ipsi Salvatori mirum in modum acceptam esse. Quod quidem studium, ita sibi familiare fecerat V-  
bertinus de Casali, ut de fœmetipso ita scriperit: *Omnes Prolog. 1.  
dies Veneris videbantur mihi, non memoria, sed praesentia IESV Arb. 9it.  
passionis & mortis.*

Ad extremum non omittam dicere: ex simili, adver-  
sus hanc ipsam, Christi passione ac morte consecratam,  
diem, religione profectum, ut nonnulli Christi amatores  
hac eadem die vitam claudere optaverint. Quam rem in-  
ter alios, uti votis frequentibus vivens expeterat suprà me-  
moratus P. Colnago, ita denique obtinuisse (idque cum eo *Vit. l. 1.*  
corollario, ut eadem etiam hora, qua Christus creditur *c. 12.*  
mortuus esse, decederet) testis est ejus Vita. At B. Joa- *Phil. Ferrar.*  
chim Senensis, Ordinis Servorum B. M. in ipso die Parasce- *16. April.*  
ves, uti expeterat, defunctus est.

## C A P V T X V.

*Sacras (quas appellant) Christi patientis Sta-  
tiones, suis temporibus religiosè obire.*

### §. I.

*Eius religionis ratio ac finis proponitur.*

**S**tationum passionis Christi nomine hic intelligimus, Sa-  
cella quædam aut ædicularis, certis ac præcipuis mysterijs  
passionis Christi dedicatas; quæ nonnullis in Provincijs,  
ac nominatim in varijs Belgij Vrbibus, per mœnum ambi-  
tum aliavè loca opportuna ita sunt dispositæ, ut ijs ferè in-  
terrallis inter se distent, quibus compertum est Ierosolymis  
distare loca, in quibus re ipsa ea mysteria contigere. Quod  
qui-

ROY  
H. L. 10  
T. 3. 16